

ՈՐՈՇՈՒՄ

ԱՆՀԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՀԱՐՑԻ ԿԵՐԱԲԵՐՅԱԼ  
քաղ. Երեւան 7 մայիսի 2008թ.

Հայաստանի Հանրապետության Սահմանադրական դատարանի 1-ին  
դատական կազմը

Նախագահությամբ՝ Զ. Ղուկասյանի  
Անդամակցությամբ՝ Վ. Հովհաննիսյանի  
Կ. Բալայանի

Քննության առնելով Հովհաննես Ռուշանյանի դիմումի ընդունելիության հարցը

ՊԱՐԶԵՑ

1. Քաղաքացի Հովհաննես Ռուշանյանը 23.04.2008թ. դիմել է սահմանադրական դատարան՝ վիճարկելով ՀՀ քաղաքացիական դատավարության օրենսգրքի 233 և 234-րդ հոդվածների սահմանադրականությունը:

2. Ներկայացված դիմումը համապատասխանում է ՀՀ Սահմանադրության 101-րդ հոդվածի 1-ին մասի 6-րդ կետի, «Սահմանադրական դատարանի մասին» ՀՀ օրենքի 27, 28 հոդվածների եւ 69 հոդվածի 1-ին, 2 և 5-րդ կետերի, ինչպես նաեւ սահմանադրական դատարանի Կանոնակարգի պահանջներին: Պահպանվել է սահմանադրական դատարան դիմելու՝ օրենքով նախատեսված ժամկետը:

Դիմողն սպառել է դատական պաշտպանության բոլոր միջոցները եւ գտնում է, որ իր նկատմամբ կիրառված օրենքի դրույթները հակասում են ՀՀ Սահմանադրությանը:

3. ՀՀ սահմանադրական դատարանը 2007թ. ապրիլի 9-ին՝ քաղաքացիներ Հակոբ Դանիելյանի, Վաչագան Խաչատրյանի եւ այլոց դիմումների հիման վրա՝ կայացրել է ՀՀ քաղաքացիական դատավարության օրենսգրքի 230 հոդվածի 1-ին կետի, 231.1, 231.2 հոդվածների դրույթների՝ ՀՀ Սահմանադրությանը համապատասխանության հարցը որոշելու վերաբերյալ գործով որոշում /ՍԴՈ-690/: Սահմանադրական դատարանը քննու-

թյան է առել նշված հոդվածների՝ 07.07.2006թ. խմբագրությամբ տեքստի սահմանադրականության հարցը:

«Հայաստանի Հանրապետության քաղաքացիական դատավարության օրենսգրքում փոփոխություններ և լրացումներ կատարելու մասին» ՀՕ-277-Ն ՀՀ օրենքով՝ ընդունված ՀՀ Ազգային ժողովի կողմից 2007 թվականի նոյեմբերի 28-ին, ՀՀ Նախագահի կողմից ստորագրվել է 2007թ. դեկտեմբերի 20-ին, ուժի մեջ է մտել 01.01.2008, ՀՀ քաղաքացիական դատավարության օրենսգրքի՝ «Վճռաբեկ բողոքը վերադարձնելը» վերտառությամբ 231.1 հոդվածը վերածեակերպվել է որպես ՀՀ գործող քաղաքացիական դատավարության օրենսգրքի 233 հոդված, իսկ «Վճռաբեկ բողոքը վարույթ ընդունելը» վերտառությամբ 231.2 հոդվածը վերածեակերպվել է որպես ՀՀ գործող քաղաքացիական դատավարության օրենսգրքի 234 հոդված:

4. «Սահմանադրական դատարանի մասին» 32 հոդվածի 3-րդ մասի համաձայն՝ սահմանադրական դատարանը գործի քննությունն ամբողջությամբ կամ մասամբ մերժելու մասին որոշում է ընդունում, եթե դիմումում առաջադրված հարցի վերաբերյալ առկա է սահմանադրական դատարանի որոշումը:

Դիմողի կողմից վիճարկվող՝ ՀՀ քաղաքացիական դատավարության օրենսգրքի 233 հոդվածի 1-ին մասի 1-ին և 2-րդ կետերի, 3-րդ մասի, 234 հոդվածի դրույթների վերաբերյալ առկա է սահմանադրական դատարանի 2007թ. ապրիլի 9-ի ՍԴՈ-690 որոշումը:

Ելնելով վերոգրյալից և ղեկավարվելով «Սահմանադրական դատարանի մասին» ՀՀ օրենքի 32 հոդված 3-րդ մասով՝ Սահմանադրական դատարանի 1-ին դատական կազմը.

#### ՈՐՈՇԵՑ

1. Քաղաքացի Հովհաննես Ռուշանյանի դիմումի հիման վրա ՀՀ քաղաքացիական դատավարության օրենսգրքի 233 հոդվածի 1-ին մասի 1-ին և 2-րդ կետերի, 3-րդ մասի, 234 հոդվածի սահմանադրականությունը վիճարկելու մասով, գործի քննությունը մերժել՝ տրամադրելով նրան ՍԴՈ-690 որոշումը:

2. Քաղաքացի Հովհաննես Ռուշանյանի դիմումը՝ ՀՀ քաղաքացիական դատավարության օրենսգրքի 233 հոդվածի 1-ին մասի 3-6 կետերի, 2-րդ եւ 4-րդ մասերի սահմանադրականությունը վիճարկելու մասով, ընդունել քննության, կազմել գործ, որով պատասխանող կողմ ճանաչել ՀՀ Ազգային ժողովին:

3. Քաղաքացի Հովհաննես Ռուշանյանի միջնորդությունը՝ իրեն ազատել պետական տուրքի վճարման պարտականությունից, բավարարել:

